



07. maj 2021

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apequt imaattoq saqqummiuppara:

Naalackersuisunut apequt:

- 1. Aallaasit tuukkartallit akuerisaappat qaqortanik qernertanillu qilalugarniarnermi atussallugit?**
- 2. Kalaallit Nunatsinni aallaasit tuukkartallit atorsinnaaneri Naalackersuisut qanoq isumaqarfigaat qilalukkanut qaqortanut qernertanullu tunngatillugu?**
- 3. Aallaasit tuukkartallit nunatsinni atornissaat tulluuppat?**

(Inatsisartunut ilaasortaq, Emanuel Nûko, Naleraq)

Tunngavilersuut:

Aallaasit tuukkartallit siornatigut atorneqarnikuusut ilisimatinneqarpunga, taakkulu pineqartut maannakkut atorneqarunnaarsimallutik. Piniartut siornatigut atortarsimasaat aallaasit tuukkartallit iluarisimallugit pitsaasutut isigineqarput, qilalukkanik aallaanninnermi aallaammik tuukkartalimmi qilalugaq annaasinnaajunnaarlugu ikilerneqartarpoq, taamaattumik pisamik annaasaqannginnissaq iluatsittarluni. Nunatsinni akuerisaanersoq paaserusunnarpoq piniakkanik anginerusunik annaasaqannginnissaq eqqarsaatigalugu.

Apequtit ullut suliffiit qulit qaangiutsinnagit akineqarnissaa kissaatigaara.